

Festival di boeki pa mucha 2006



**Biblioteca
Nacional Aruba**

\STA. CRUZ--Tur aña biblioteca, pa un siman largo, ta organiza un festival di boeki di mucha den cuadro di promocion di lesamento. Biblioteca ta invita diferente autor di boeki di mucha di Aruba, Antiyas Hulandes y Hulanda pa yuda cu e promocion aki. Pa algun dia

e autornan ta pasa bishita e diferente schoolnan riba nos isla cu a inscribi pa conta storia y pa lesa for di nan boeki, hunto cu e muchanan di school. Apertura di e festival ta tuma lugar dilanti di biblioteca, diabierna dia 3 di November proximo. Tur aña ta scoge un tema, na 2005 aki e tema tabata 'magia' (www.kinderboekenweek.nl). Tema pa 2006 ta bestia 'E leon a los': boeki tocante bestia. Ta traha hunto cu diferente organizacion pa yega na un programa completo. E organizacion ta den man di Biblioteca Nacional Aruba hunto cu Fundacion Papiamente. E festival di boeki ta un actividad cu ta parti di e maneho completo riba promocion di lesamento di Biblioteca Nacional

Aruba. Pa mas di 10 aña caba Biblioteca Nacional Aruba ta organiza e Festival di Boeki pa Mucha den luna di November. E festival ta enfoca riba literatura pa mucha y autornan di boeki di mucha. Muchanan ta cera conoci cu autornan y skirbimento di boeki y asina ta stimula nan interes pa lesa. E Kinderboekenweek na Hulanda ta cuminsa riba Dia di bestia, 4 di Oktober. Pesei a scoge pa enfoca riba boeki cu storia di bestia. E titulo "De leeuw is los" ta e titulo di un poema di Annie M.G. Schmidt. Boeki di e festival pa Aruba ta skirbi pa Aurita Meenhorts-Arends y ilustra pa Ariadne Faries y ta na Papiamento y na Hulandes. Mescos cu aña pasa entrante di 3 di November cu cada

compra di 25 florin na boeki na cualkier libreria ta haya e boeki di festival gratis. Ya caba informacion a bay pa e schoolnan. Ta pidi maestronan pa por favor

inscribi pa participa na e festival y haya bishita di autornan na school, prome cu 29 di September proximo.

